

¡BOMBA!

Joann nos dejó cultura de amor por naturaleza; fue un ejemplo de entereza, una mujer Pronatura



k'uintsil

Miércoles 24 de diciembre de 2025

CAMPECHE · YUCATÁN · QUINTANA ROO · AÑO 11 · NÚMERO 2634 · www.lajornadamaya.mx

U múuch' meyajil xaak'al UNAMe' béeychaj u kaxtik u ajoloteil Altiplano, tu kaajil Querétaro



Oochel UNAM

Tu jo'oloy 15 ja'abo'ob ma' yanak, tu lu'umil Querétaro, u ajoloteil Altiplano (Ambystoma velasci), ajxak'al máako'ob ku meyaj tu kúuchil Laboratorio de Microbiología Ambiental ti' u noj najil xook Facultad de Estudios Superiores Iztacala méek'a'an tumen UNAM, béeychaj u kaxtikob tu méek'tankaajil Amealco de Bonfil, ti' jump"éel chan kaaj naats' yanik San Idelfonso.

Jxaak'al Diego de Jesús Chaparro Herrera -máax jo'olbesik múuch' meyaj yéetel jbioloogoo Julio César Parra Escobar- tu ya'alaj jach ki'imak u yool yook'olal ba'ax béeykunsabij tumen ts'ook u xáantal ila'ab u ts'ook u téenal.

"Ma' jka'nao'oni', ka tkaxtaj. Lelo' ku k'a'abéetkunsik ka úuchuk tsikbal yook'olal juntúul ba'alche' sajbe'entsil yanik u ch'éejel".

Máano'ob k-kaxt Amealco, le beetike' béeychaj k-ilik junmúuch' kaja'an ti' jump"éel áartifisyaa

aak'al, tu'ux ku k'a'abéetkunsal ja' ti'al u tséenta'al ba'alche', óoli' je'ex tu'ux ku k'alal k'áax ti'al u kaláanta'al, tu'ux ma' tu páajtal u yokol máaki', le beetik no'oja'an yanik ja' yéetel k'áax u ti'al.

Ajxaak'al máako'obe' ts'ook u yilko'ob kex 50 u túul Ambystoma velasci, ts'o'oke' lelo' u k'áat u ya'alej, le beyka'ajo', je'el u meyaj beey soombriyae'; leti'e' keen káajak u ja'atsal taak'in ti'al kaaj ti'al u béeytal u kaláamta'al tumen u yóox jaatsilo'ob meyaj jala'ach.

Ichil ba'ax a'alab tumen Chaparro Herrera, ku ts'íibta'al jaytúul mejen ba'alche'ob ku yila'al te'el chaj ja'o', bix yanik u toj óolal, je'el bix xan u aalil yéetel u p'iisil, ti'al beyo', ma' u ka'aténchajal u xo'okol, ts'o'oke' ku yila'al bix yanik u maanchasil tumen óoli' je'ex u "weeyaob diijitalo'ob".

U ajoloteil Altiplanoe' ku yila'al tu chuumukil México, beyxan ojéela'an yaan Puebla, Hidalgo, Querétaro, Guanajuato, Morelos yéetel Veracruz.